

Mai cumenzà uschè baud cun la racolta

■ (anr/gns) La racolta da spargias ha er cumenzà en il Grischun e quai uschè baud sco anc mai. Sonda passada ha Hanspeter Gisler dal bain puril «Schönbühl» a Cuira racoltà per quest onn las emprimas spargias. Dapi il 1988 ha il pur ina tratga da spargias ed en quels 26 onns haja el mai cumenzà uschè baud cun la racolta da la verdura fina e roiala, sco quai che las spargias vegnan er numnadas. La raschun che las spargias èn gia creschi-

das èn las temperaturas da primavaira empernaivlas da las davosas emnas. La stagiun da la racolta da spargias cuzza en il Grischun fin a la fin da zercladur e per avair ina racolta fritgaivla dastgan las temperaturas betg sa midar memia fitg. Hanspeter Gisler racolta bunamain 40 tonnas spargias da las total 275 tonnas spargias alvas che vegnan racoltadas en Svizra mintga onn. Spargias verdas en quai dal reminent 265 tonnas.



Sonda passada ha racoltà Hanspeter Gisler a Cuira las emprimas spargias. FOTO J. MENOLFI